

Il DRG ha ina nova pagina d'internet

■ (cp) Suentar in tozzel d'onns sa preschenta l'Institut dal DRG (IDRG) en la rait en in nov vestgi: Gievgia, ils 20 d'october 2011, vegn la nova pagina d'internet activada sin l'adressa usitada www.drg.ch. La nova pagina d'internet è vegnida creada en stretga collavuraziun cun ina fatschenta spezialisada per design da web. Il resultat è ina pagina frestga ed attractiva che porscha ina pluna infurmaziuns davart l'Institut dal DRG e davart la Societad Retorumantscha (SRR).


Il Dicziunari Rumantsch Grischun e l'informatica

Era l'Institut dal DRG cun tut ses cu-deschs e milliuns da cedels n'ha betg pudì guntgir l'informatica. Dapi l'onn 1992 vegn il DRG redigì e stampà cun agid da computers. E già set onns pli tard ha l'Institut ristgà da far ils emprims pass en l'internet. Quai è stà il mument ch'ins ha realisà l'emprima pagina d'internet e che tut las collavuraturas ed ils collavuratur dal IDRG han survegnì lur adressa dad e-mail.

Actualmain èn las personas responsablas dal IDRG londervi da renovar en il rom d'in project da plirs onns l'infrastructura informatica en tut il manaschi. Ina part dal project furma la nova pagina d'internet.

Tge fa l'Institut dal DRG?

L'Institut dal DRG, fundà l'onn 1904, publitescha il pli grond vocabulari rumantsch. Quel cuntogna l'entir stgazi da



La pagina nova d'internet dal Dicziunari Rumantsch Grischun.

FOTO DRG

pleds da tut ils idioms e dialects, documentà a partir dal 16avel tschientaner fin al di dad oz, inclusiv la lingua discurrida. Il DRG è in dals quatter vocabularis naziunals da la Svizra.

L'Institut dal DRG è ultra da quai er in impurtant center da documentaziun, perscrutaziun e d'infurmaziun per la lin-

gua, la cultura e l'istorgia retorumantscha u insumma in'adressa indispensabla per la cultura alpina.

Institut dal DRG, Ringstrasse 34, 7000 Cuira, 081 284 66 42, info@drg.ch, www.drg.ch.

Ans visitai era sin facebook: <http://www.facebook.com/Dicziunari>.